

www.BibleForChildren.org

मत्ती 26



मुक्ति-दिवस कना
टिहार अइनासे छ
दिन आघ येशू
बेथानिया गाँम गैल।
उह गाँम येशू लाजरसह
मुवलमसे जीवित बनैलह।
तब मरियम लगभग आधा
लिटर जति वास अइना
जटामसीक बहुमूल्य त्याल
आन्क येशूक पाठम खन्हयादेली,
ओ आपन भुट्लले पौछ्ली।
यी त्यालक वासले घर भरगैल।




यहूदा इस्करियोत बाह्न जन चेलामध्ये एकठो रह। ऊ येशूह
ध्वाखा देना विचारले मुख्य पूजारीन्हकठे गैल्। वाकर बात
सुन्क हुँक खुशी हुइल ओ ओहीह पैसा
देना प्रतिज्ञा कर्ल। तबठेसे यहूदा
येशूह ध्वाखा देना मौका
ख्वाज लागल।




येशूक कहल अनुसार चेलावँ कर्ल,
ओ उहँ मुक्ति-दिवसक खाना खैना
व्यवस्था मिलैल। उहाँहुँक खाइबेर,
येशू रोटी लेक परमेश्वरसे आशिष
मङ्गल। उहाँ रोटी खन्टाक हुँकन देटी
कल, “यी म्वार शरीर हो, लेओ, खाओ।”
तबदोस्र उहाँ अङ्गूरिक मद रहल खोन्या
लेक परमेश्वरह धन्यवाद देल ओ चेलन
देटी कल, “यी दुह सबजन पिओ।
यी त धेर जन मुक्ति
पाइक लाग
बहाजैना म्वार रगत
हो। परमेश्वर मनैनसे
कर्लक लौव बाचह यह
रगत क्रियाशील बनैठा।”



तबदोस्र येशू पत्रुसह कल, “सिमोन, सिमोन, हेरो! भुस ओ गोहूँ अल्गाइक लाग किसान गोहूँ ओसाइअस, परमेश्वरम जाट्टीसे विश्वास करुइयन ओ नैकरुइयन अल्गाइक लाग शैतान दुन्हक जाँच कर्ना अनुमति माडराखल। तर टुँहार विश्वास कमजोर जिन ह्वाए कैक मै टुँहार लाग प्रार्थना कैदेनु।”



“टुँ विश्वासम फेदोस्र बल्गर हुइबो त, आपन दादुभैयन फे विश्वासम बल्गर हुइक लाग सहायता करहो।” पत्रुस कल, “प्रभु, मै अण्कसँग इयालखानम जाइपर्लसे फे या मुवपर्लसे फे तयार बाटुँ।” येशू कल, “पत्रुस, मै टुँहीन कहटुँ, आज रात मुर्घा बस्नासे आघ, टुँ महीह चिन्बोचिन्बोनैकटुँ कैक तीनचो इन्कार कर्बो।”



तबदोस्र येशू आपन चेलन्हकसँग
गेतसमनी कना ठाँम गैल,
ओ आपन चेलन कल,
“मै हाउठे जाक प्रार्थना
करकहुँ, टुह, अट्ठहँ
पलरहो।” “अब्बा, बाबा!
अपन सब चिज करसेकठी।
मै मुवपर्ना अवस्था म्वारठेसे
हटादी, तर म्वार इच्छा
अनुसार नैहोक अपनक इच्छा
अनुसार ह्वाए।”




उ ब्याला कुछ सिपाहीन लेक, ओ फरिसी ओ मुख्य
पूजारीन्हक पठाइल दरपालेन लेक यहूदा उह ठाँम आइल।
हुँक दिया, ज्वाँजा ओ हातहतियार लेल्हरलह।
हुँकमध्ये एकठो चेला तरवाल झम्काडारल,
त प्रधान पूजारीक कमारक दाहिन
कान च्वाट्टसे काटगैलस।
तर येशु कल, “होगैल्, रहन्देओ।”
तब उहाँ उ मनैयक
कान छुक चोखादेल।



हुँक़ ये शूह पक़क़ प्रधान पूजारीक घरम लैगैल। पत्रुस दूरसे
हुँक़न्हक पाछपाछ गैल। मनै प्रधान पूजारीक अङ्गनम पुगल त,
आगी सुङ्गाक तापलगल। पत्रुस फे हुँक़न्हकसँग
आगी तापटलह।



पत्रुस कान काटल कमारक
नाता पर्ना मनैया फे ओठे
रह। ऊ फे प्रधान पूजारीक
कमारा रह। ऊ पत्रुसह
कहल, “का मै टुँहीन
फुलन्यम उ मनैयक
बगालिम नैदेख्नहुँ नि?”
पत्रुस फेदोस्र मै नैहुइटुँ कैक
इन्कार कर्ल। तबहै मुर्घा बासल।
उ बात समझुटीकि, पत्रुस बाहर
जाक हॉकहॉक-हॉकहॉक रुइलगल।




तबदोस्र महासभक सारा सदस्यन उठ्ल,
ओ “येशूह पिलातसकठे लैजाइ” कल।
येशूह लैजाइबेर हुँक फे सँगसँग गैल।
यी बात सुन्क पिलातस येशूह पुछ्ल, “का
टुँ जाट्टीसे यहूदीन्हक राजा
हुइटो?” येशू जवाफ देल,
“अप्नहे त ओसिक कहटी।”
येशूह छोरदेना पिलातसक
विचार रलकओसे, ऊ “येशू
निर्दोष बाट” कैक फेदोस्र मनैन

सम्झैल। तर हुँक सबजन असिक
नारा लगैटीरल, “यहीह

क्रूसम मुवैहीपरी! मुवैहीपरी!”




तबदोस्र ऊ उहाँह क्रूसम टङ्गाइक लाग
हुँकन्हक हाँठम सुम्पदेल। तब हुँक्र येशूह
लैगिल। येशू आपन क्रूस अपन्हे बोक्क
खोप्रही कैजिना ठाँम गैल। ऊ ठाँह हिब्रू
भाषम गलगथा कैजैठा।



उ ठाँम पुग्क हुँक उहाँह क्रूसम टङ्गैल,
ओ उहाँक दाहिनेओर ओ बाँउँओर ओर दुइ
जहन फे अलग-अलग क्रूसम टङ्गैल।
येशूहजुन बीचम टङ्गैल।



तब मन्दिरक पर्दा फाटक दुइ भाग होगैल्। येशू कर्से प्रार्थना
कर्ल, “परमेश्वर बाबा, मै आपन आत्मा अप्णक हाँठम
सुम्पटुँ।” असिक येशू प्राण छोर्ल।



अरिमाथिया सहरक योसेफ साहस कैक
पिलातसकठे गैल ओ येशूक शरीर
मङ्गल। (उहाँ महासभक
मानसम्मान पाइल सदस्य
रलह। उहाँ परमेश्वरक
राज्यक बट्या
ह्यारटलह।) योसेफ
सूती लुगा किन्ल
ओ येशूक शरीर

उतार्क उह लुगले
लप्याट लगैल। दोस्र
पत्था खोल्क बनाइल
गज्यम ढर्ल ओ बरानक
पत्थले गज्यक मोहटा
टुम लगैल।



द्विसर दिन, अर्थात् बिसैना दिन, मुख्य
पूजारीहुँक ओ फरिसीहुँक
एकसाथ पिलातसकठे जम्मा
होक कल, “हजुर, हम्र
सम्झलबाटी, कि उ ठग्गा
गधा जिटीह रहल
समयम ‘मै मुलक
तीसर दिनम फेदोस्र
जिजैम’ कटी
न्याङ्ग।”



“तब हुँक जाक गय्यह सुरक्षा देहक
लाग वाकर मोहटा टुमल
पत्थ्रम छाप लगैल ओ
सिपाहीन कुर लगैल।”



बिसैना दिनिक द्वासर दिन, अट्वारक
बिहान अजरार हुइल् त, मगदाला
सहरक मरियम ओ और मरियम
येशूह ढरल गन्या ह्यार गैल।
उह समयम एकचोटटे भारी
भुइँचाल गैल, स्वर्गसे
परमप्रभुक पठाइल
एकठो स्वर्गदूत अइल
ओ गन्यक मोह्टमसे
पत्था

उस्टाक ओइहेँम
बैठ्ल। गन्या
कुरुइयनजुन डरकमार
लगलगैटी भूइँयम
गिर्ल ओ मुवलअस
होगैल।



स्वर्गदूत जन्नीमनैन कल, “जिन डराओ,
महीह थाहाँ बा, दुह्र क्रूसम मुवापाइल
येशूह ख्वाजटो। येशू यिहाँ नैहुइट।

आपन कहलअस उहाँ त
मुवलमसे जिरल। आक
उहाँक लाश ढरल
ठाउँ हेरो ना!”



उ जन्नीमनैन डर-डर फे लगलन, ओ एकदम
खुशी फे लगलन। हुँक गज्यमसे निकल ओ
उहाँक चेलन स्वर्गदूतक कहल बात
जनाइक लाग दगुटी गैल। येशू हुँकन
एकचोट्टे भँटैल ओ अभिवादन कर्ल।
तब हुँक उहाँक पाउ पकक
उहाँह दण्डवत कर्ल।



अन्तम एघार जन चेलावँ खाना खैटिरलह त, येशू हुँकन्हकठे देखपर्ल। येशू हुँकन हप्कैल, काकरकि हुँकन्हक विश्वासऽ नैरलहन। येशूह मुवलमसे जिएल् देखुइयन्हक बात हुँक मन कठोर कैक नैपत्यैलरलह। हुँकनसे बटवाक सेकल त, प्रभु येशू स्वर्गम उठागैल, ओ परमेश्वरक दाहिन पाञ्जर बिराजमान हुइल।



काकरकि परमेश्वर संसारह अत्रा धेर प्रेम
कर्ल, उहाँ आपन एककठो छावह समेत
देल। परमेश्वरक छावकम विश्वास करुइया
कुई फे नाश नैहुई, तर ऊ
अनन्त जीवन पाई।



रोमी 3:23 काकरकि सबजन पाप कैरखल ओ परमेश्वरक
महिमासम पुग नैसेकलहुइट।

रोमी 6:23 पापक कमाही मृत्यु हो, तर सितैम देजैना परमेश्वरक
दान त हमार प्रभु येशू ख्रीष्टम अनन्त जीवन हो।

हिब्रू 9:27 जसहँक यी बात निश्चित बा, कि मनै एक फ्यारा मुठ
ओ वाकरपाछ न्याय हुइठा,

एफिसी 2:8,9 परमेश्वरक अनुग्रहले दुह विश्वासद्वारा मुक्ति पैलहो।
दुह आपन शक्तिले फे मुक्ति पैलक नैहुइटो, यी त परमेश्वरक
वरदान हो। यी दुन्हक कोसिसले हुइल् नैहो, उहओसे घमण्ड कर्ना
ठाउँ नैहो।

रोमी 10:9,10 दुह आपन मुहले येशू जो प्रभु हुइट कैक औरजहन
कठो कलसे ओ परमेश्वर उहाँह मुवलमसे जियैल कैक हृदयम
विश्वास कठो कलसे दुह मुक्ति पैनेबाटो। काकरकि हम्र हृदयले
विश्वास कैक परमेश्वरक सामुन्नेम धर्मी ठहठी ओ विश्वास करल
बात आपन मुहले स्वीकार कठो कलसे हम्र मुक्ति पैठी।



यूहन्ना 3:16,17 “काकरकि परमेश्वर संसारह अत्रा धेर प्रेम कर्ल,
उहाँ आपन एकठो छावह समेत देल। परमेश्वरक छावकम
विश्वास करुइया कुई फे नाश नैहुई, तर ऊ अनन्त जीवन पाई।
परमेश्वर संसारह दोषी ठहार्इक लाग आपन छावह संसारम
नैपठैल, तर संसार उहाँद्वारा बाँचऽ कैक पठैलह।”

1 यूहन्ना 5:11-13 हमन देगैल् साक्षी यह हो: परमेश्वर हमन
अनन्त जीवन देखल, ओ यी जीवनक स्रोत उहाँक छावा हुइट।
परमेश्वरक छावा रहइयकम जीवन बा, परमेश्वरक छावा
नैरहुइयकम जीवन नैहो। दुह अनन्त जीवन पारख्लो कना बात
जान सेको कैक दुह परमेश्वरक छावकम विश्वास करुइयन मै
यी चिठी लिखटुँ।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tharu Northern NT (thl) © 2020, Wycliffe Bible Translators,
Inc. All rights reserved.

<https://live.bible.is/bible/THLWYI/MAT/1>

©2025 Bible for Children, Inc.

www.M1914.org

www.bibleforchildren.org

